

Utorak, 30. 6. 2020.

Na osnovu člana 63. i 67. Zakona o zemljišnim knjigama Federacije BiH ("Službene novine Federacije BiH", broj 19/03 i 54/04), Općinski sud u Žepču

NAJAVLJUJE

USPOSTAVLJANJE ZEMLJIŠNOKNJIŽNOG ULOŠKA

U zemljišnoknjižnom predmetu broj 044-0-DN-20-000 131 po zahtjevu Suljić Emira zastupanog po punomoćniku Malićbegović Namiku, u toku je postupak za uspostavljanje zemljišnoknjižnog uložka. Nekretnine za koje se uspostavlja zemljišnoknjižni uložak upisane su u Posjedovni list broj 948 katastarska općina Žepče-Van, označene sa:

- parcela broj 4/96 naziv "Kućiste" kulture ostalo neplodno zemljište površine 160 m²
- parcela broj 4/328 naziv "Do puta" kulture njiva 3. klase površine 70 m²
- parcela broj 4/531 naziv "Vodica" kulture njiva 4. klase površine 120 m²

Prema podacima iz katastra posjednik navedenih nekretnina je Suljić Emir, sin Sejfe, iz Žepča, Orlovik bb, sa dijelom od 1/1.

Pozivaju se lica koja polažu pravo vlasništva ili neko drugo pravo na tim nekretninama da svoje pravo prijave u roku od 60 dana od dana najave podneskom u dva primjerka i da podnesu dokaze za to, u suprotnom njihovo pravo neće biti uzeto u obzir prilikom uspostave zemljišnoknjižnog uložka.

Lica koja polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebne dokaze.

Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

Broj 044-0-DN-20-000 131
24. juna 2020. godine
Žepče

(03-3-1951/20-G)

Na osnovu člana 63. i 67. Zakona o zemljišnim knjigama Federacije BiH, Općinski sud u Bosanskoj Krupi

NAJAVLJUJE

USPOSTAVU ZEMLJIŠNE KNJIGE ZA KATASTARSKE OPĆINE

OSTRUŽNICA I BANJANI

Pozivaju se sve zainteresovane osobe koje polažu pravo na priznavanje vlasništva ili nekog drugog prava na nekretninama upisanim u katastarskim općinama Ostružnica i Banjani po novom premjeru da to svoje pravo prijave Općinskom sudu u Bosanskoj Krupi, Odjeljenje za zemljišnoknjižne poslove, u roku od 60 dana od dana objave ovog oglasa u "Službenim novinama Federacije BiH", "Službenom glasniku BiH", "Dnevnom avazu", "Večernjem listu" i oglasnoj ploči suda, i to podneskom u dva primjerka, kao i da podnesu dokaze za to, u suprotnom njihovo pravo neće biti uzeto u obzir prilikom uspostave zemljišnoknjižnog uložka.

Osobe koje polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebne dokaze. Ukoliko u produženom roku ne uslijedi dostava novih dokaza zemljišnoknjižni uložak će se uspostaviti na osnovu do tada pribavljenih dokaza.

Pozivaju se sve zainteresovane osobe da prijave svoja prava i rješavaju svoje imovinsko pravne odnose.

Prijava prava u prvom redu je u vašem interesu. Prijavom prava osiguravate sudjelovanje u procesu utvrđivanja prava na vašim nekretninama i upis istih u zemljišnu knjigu.

Dobivanjem rješenja o upisu prava i njihovim provođenjem u elektronski vodenoj zemljišnoj knjizi osiguravate apsolutnu zaštitu svojih prava. Stoga vas još jednom pozivamo da prijavite svoja prava na nekretninama i aktivno sudjelujete u daljnjem postupku.

Svi upisi u novouspostavljenu zemljišnu knjigu za katastarske općine Ostružnica i Banjani će se provoditi bez naplate sudske takse jer sud ovaj postupak provodi po službenoj dužnosti.

Uvid u elektronski vodenu zemljišnu knjigu, te lična predaja podnesaka sa dokumentacijom moguća je u odjeljenju za zemljišnoknjižne poslove Općinskog

suda u Bosanskoj Krupi soba broj 5, na adresi ul. Džemaludina Čauševića, 77240 Bosanska Krupa svakim radnim danom od 11:00 do 14:00 sati.

Podneske je moguće dostaviti i putem pošte na adresu: Općinski sud u Bosanskoj Krupi, ul. Džemaludina Čauševića, 77240 Bosanska Krupa.

Broj 018-Su-20-000209
15. juna 2020. godine
Bosanska Krupa

(SI-677/20)

Općinski sud u Sarajevu, zemljišnoknjižni ured, na osnovu člana 66. i 67. a u skladu sa članom 88. stav 2. Zakona o zemljišnim knjigama F BiH ("Službene novine Federacije BiH", br. 19/03 i 54/04),

NAJAVLJUJE

USPOSTAVU ZEMLJIŠNOKNJIŽNOG ULOŠKA

U zemljišnoknjižnom predmetu broj 065-0-DN-20-002 822, a po zahtjevu Bošnjak Anđelke, zastupane po advokatu Taraniš Selmi, u toku je postupak uspostavljanja zemljišnoknjižnog uložka.

Nekretnine, za koje se uspostavlja zemljišnoknjižni uložak, su upisane po novom premjeru u Posjedovni list broj 577 k.o. Doglodi, označene kao: k.č. br. 1366, zv. Bašća, u naravi Dvorište, površine 372 m², i kuća i zgrada, površine 78 m², k.č. br. 1367/1, zv. Bašća, u naravi Oranica/njiva 1. klase, površine 591 m². Prema podacima katastra Općine Ilidža posjednici navedenih nekretnina su Bender Kristina, kći Joze rod. Šarić, sa dijelom 1/3, Bošnjak Anđelka, kći Joze, rod. Šarić, sa dijelom 1/3, Šarić Mila, kći Tome, rod. Skočibušić, sa dijelom 1/3, dok su prema podacima Zemljišnoknjižnog ureda Općinskog suda u Sarajevu kao vlasnici navedene nekretnine u ZK ul. br. 954 k.o. SP Donji Butmir, u odnosu na k.č. br. 149/11 I kućiste, oranica II kuća, kućiste površine 60 m², dvorište površine 940 m², upisani: Martić Andrija, sin Nike, sa dijelom 1/5, Martić Milka, kći Nike, sa dijelom 1/5, Državno vlasništvo sa dijelom 1/1, Martić Ivan, sin Ante, sa dijelom 14/105, Martić Nikola, sin Ante, sa dijelom 8/105, Martić Ana, kći Ante, sa dijelom 2/35, Pržulj Jelka, rod. Martić, kći Ante, sa dijelom 2/35, Martić Jela, rod. Malešević, kći Nikole, sa dijelom 29/315, Martić Mario, sin Joze, sa dijelom 29/315, Martić Nikola, sin Joze, sa dijelom 29/315, te u C teretnom listu navedenog zk. uložka upisano je na osnovu člana 8. ZOGZDS pravo korištenja u korist: Martić Andrije, sin Nike, sa dijelom 1/5, Martić Milke, pok. Nike, sa dijelom 1/5, Martić Ivana, sin Ante, sa dijelom 14/105, Martić Nikole, sin Ante, sa dijelom 8/105, Martić Ane, kći Ante, sa dijelom 2/35, Pržulj Jelke rod. Martić, kći Ante, sa dijelom 2/35, Martić Jele, rod. Malešević, kći Nikole, sa dijelom 23/315, Martić Maria, sin Joze, sa dijelom 29/315, Martić Nikole, sin Joze, sa dijelom 29/315.

Pozivaju se sva lica koja polažu pravo vlasništva ili neko drugo pravo na navedenim nekretninama da svoje pravo prijave u roku od 60 dana od dana najave podneskom u dva primjerka i to dokažu, u suprotnom njihovo pravo neće biti uzeto u obzir prilikom uspostave zemljišnoknjižnog uložka.

Lica koja polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebne dokaze. Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

Broj 065-0-DN-20-002 822
06. aprila 2020. godine
Sarajevo

(O-407/20)

OSTALE OBJAVE

Oglašava se nevažećim Uvjerenje o registraciji/upisu u Jedinstveni registar obveznika indirektnih poreza broj 04/1-UPJR/1-1988-2/11 od 29.04.2011. godine, izdato od Uprave za indirektno-neizravno oporezivanje BiH, Banja Luka na ime VERMESSUNG ANGST ZT GmbH Beč, zastupan po poreskom punomoćniku Geodis BH d.o.o. Banja Luka.

(03-3-1861/20)